

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ՀԱՄԱՆՄԱՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/23, 02.03.2022թ.

Շտկման ամսաթիվը՝ 07.03.2022թ.

Բողոք բերող անձ՝ «Սևանի հացի գործարան» ՓԲԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ՀԲՄԱՊՁԲ-22/1»

Գնման առարկան՝ սննդամթերքի ձեռքբերում

Բողոքի պահանջը՝ պարտավորեցնել «ԵՔ-ՀԲՄԱՊՁԲ-22/1» ծածկագրերով գնման ընթացակարգերի գնահատող հանձնաժողովին՝

1. չեղյալ հայտարարել 9-րդ, 10-րդ և 45-րդ չափաբաժինները,

2. պարտավորեցնել ընդունված համարել «Սևանի հացի գործարան» ՓԲԸ-ի կողմից ներկայացված փաստաթղթերը և գնահատել հայտը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

Բողոք բերող անձ	«ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ
Հասցե	ՀՀ, Գեղարքունիքի մարզ, ք. Սևան, Չարենցի 4
Գրանցման համար և ամսաթիվ	35.130.00608, 08.08.1997թ.
ՀՎՀՀ	08603531
Ներկայացուցիչ	Լիանա Դավիթի Բրսոյան
Ծանուցման հասցե	ՀՀ, ք. Երևան, Բաբաջանյան 147 շ., 8 բն.
Պատվիրատու	Երևանի քաղաքապետարան
Հասցե	ՀՀ, ք. Երևան, Արգիշտի 1
Գնման ընթացակարգի ծածկագիրը	ԵՔ-ՀԲՄԱՊՁԲ-22/1
Գնման առարկան	Սննդամթերքի ձեռքբերում

Բ Ո Ղ Ո Ք

Բողոքի քննության համար էական նշանակություն ունեցող փաստերը

1. 03.02.2022թ. Երևանի քաղաքապետարանը (այսուհետ՝ նաև «Պատվիրատու») Երևանի քաղաքապետարանի կարիքների համար Երևան քաղաքի ենթակայության մանկապարտեզների կարիքների համար կենտրոնացված կարգով սննդամթերքի ձեռքբերման նպատակով հայտարարել է հրատապ բաց մրցույթ (Գնման ընթացակարգի ծածկագիր՝ ԵՔ-ՀԲՄԱՊՁԲ-22/1):

2. «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ն (այսուհետ՝ նաև «Մասնակից») ցանկանալով մասնակցել հայտարարված մրցույթին պատշաճ կարգով պատրաստել է անհրաժեշտ բոլոր փաստաթղթերը և «ARMEPS» համակարգում առկա հատուկ գործիքի միջոցով 17.02.2022թ. ժամը 23:17 համպատասխան ամբողջական փաթեթը բեռնել է համակարգ:

3. «ARMEPS» համակարգում առկա հատուկ գործիքի կողմից փաթեթի բեռնման փուլում ավտոմատ կերպով Մասնակցի համակարգչում ստեղծվել է «ZIP» և «Folder»: «Folder»-ի օգնությամբ իրականացվում է հավաքված փաստաթղթերի ստուգում:

4. «ARMEPS.AM» կայքում առկա «Ներկայացված հայտների ցուցակը» և «Հայտեր» բաժինների ուսումնասիրությունից պարզ է դառնում, որ փաթեթը բարեհաջող բեռնվել է համակարգ և համապատասխանում է ներկայացվող պահանջներին (կարգավիճակ, համընկնման արդյունք, ժամանակին ստացված):

5. Փաստաթղթերի ամբողջական փաթեթը բարեհաջող բեռնելուց հետո «ARMEPS» համակարգի կողմից Մասնակցին է ուղարկվել հայտի փաթեթի ներբեռնման մասին ավտոմատ ծանուցումը:

6. 18.02.2022թ. ժամը 12:00-ին էլեկտրոնային ձևով՝ էլեկտրոնային գնումների «ARMEPS» համակարգի միջոցով տեղի է ունեցել թիվ ԵԲ-ՀԲՄԱՊՁԲ-22/1 գնման ընթացակարգով հայտերի քացումը:

7. Կենտրոնացված կարգով սննդամթերքի ձեռքբերման «ԵԲ-ՀԲՄԱՊՁԲ-22/1» ծածկագրով գնման ընթացակարգի հանձնաժողովի (այսուհետ՝ նաև «Հանձնաժողով») 18.02.2022թ. նիստի թիվ 3 արձանագրության համաձայն՝ գնման ընթացակարգին հայտ ներկայացրած մասնակիցների ցանկում առկա է նաև «ՄԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ն:

8. Հանձնաժողովի 21.02.2022թ. նիստի թիվ 4 արձանագրության 1.5. կետի համաձայն՝ համակարգում հայտ ներկայացրած մասնակիցների ցուցակում առկա է նաև «ՄԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ն, սակայն համակարգում նշված ընկերության մասով որևէ փաստաթուղթ կցված չէ:

9. Մասնակցի կողմից 18.02.2022թ. ՀՀ ֆինանսների նախարարությանն է ուղարկվել գրություն (այսուհետ՝ նաև «Գրություն»), որով վերջինս խնդրել է տրամադրել պարզաբանում թիվ ԵԲ-ՀԲՄԱՊՁԲ-22/1 ծածկագրով սննդամթերքի ձեռքբերման նպատակով հայտարարված հրատապ քաղ մրցույթի ժամանակ ներկայացված փաստաթղթերի հետ առաջացած խնդիրների վերաբերյալ:

10. Գրությանն ի պատասխան Ընկերությունը ՀՀ ֆինանսների նախարարությունից ստացել է պարզաբանում, առ այն, որ Գրության մեջ նշված ծածկագրով ընթացակարգին ներկայացված հայտի փաթեթը բեռնվել է համակարգ, առկա է համակարգում (կցվում է), սակայն այն չի ապակողավորվում: Տվյալ դեպքում գններացվել է սխալ քանալի, որը պիտանի չէ էլեկտրոնային գնումների «ARMEPS» համակարգում ապակողավորում իրականացնելու համար՝ հայտի փաթեթի պատրաստման՝ ֆայլերի կցագրման, փաթեթավորման և/կամ ներբեռնման շրջանակում գործողությունները մասնակցի կողմից սահմանված պահանջներին անհամապատասխան կատարված լինելու կամ հեռահաղորդակցման անհայտ սխալի հանգամանքով պայմանավորված: Հայտի փաթեթի ներբեռնման մասին համակարգի կողմից տրամադրած ավտոմատ ծանուցումը փաստում է այն մասին, որ այն ներբեռնվել է համակարգ և առկա է տվյալների քաղայում, սակայն քանի որ հայտը բեռնելու պահից մինչև քացման պահը՝ համակարգի անվտանգության ապահովման անհրաժեշտությամբ պայմանավորված, այն ունի սահմանափակ հասանելիություն՝ վերջինիս պիտանելիությունը պարզվում է միայն քացումից հետո՝ ապակողավորման արդյունքում:

11. Հաշվի առնելով այն հանգամանքը, որ տրամադրված պարզաբանումը հստակ չէր և արդյունքում լրացուցիչ հարցերի վերաբերյալ պարզաբանում ստանալու անհրաժեշտություն էր առաջացել, 24.02.2022թ. Մասնակցի ներկայացուցիչ Լիանա Բրսոյանի կողմից ՀՀ ֆինանսների նախարարություն է ներկայացվել թիվ ԼԲ-24/02-1771/22 հարցումը:

12. Հարցման պատասխանը մինչ օրս չի ստացվել ոչ Մասնակցի, ոչ էլ ներկայացուցչի կողմից:

Բողոքի իրավական հիմքերը և հիմնավորումները

«Գնումների մասին» ՀՀ օրենքի 3-րդ հոդվածի 1-ին և 2-րդ մասերի համաձայն.

«Մույն օրենքի նպատակն է ապահովել գնումների գործընթացում հարուցման դիմաց արժեք, այն է՝

1) պարզվիրապուին վերապահված լիազորությունների կարարման համար անհրաժեշտ կարիքին համապատասխան ապրանքների, աշխարանքների և ծառայությունների ձեռքբերում համարժեք հարուցմամբ.

2) գնումների և գնումների գործընթացի փնտնող, արդյունավետ և օգտավետ իրականացում:

2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակա-յին և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խթանում.

3) ցանկացած անձի համար, անկախ նրա օբյեկտիվային ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն»:

«Գնումների մասին» ՀՀ օրենքի 7-րդ հոդվածի 1-ին մասի համաձայն.

«Ցանկացած անձ, անկախ նրա օբյեկտիվային ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք»:

Տվյալ դեպքում 03.02.2022թ. Պատվիրատուն Երևանի քաղաքապետարանի կարիքների համար Երևան քաղաքի ենթակայության մասնկապարտեզների կարիքների համար կենտրոնացված կարգով սննդամթերքի ձեռքբերման նպատակով հայտարարել է հրատապ բաց մրցույթ, որին մասնակցելու համար «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ն սահմանված ժամկետում «ARMEPS» համակարգի միջոցով ներկայացրել է հայտ՝ կից փաստաթղթերով:

Ներկայացված փաստաթղթերի փաթեթը հաջողությամբ բեռնվել է համակարգ, ինչը հաստատվում է մի շարք ապացույցներով, մասնավորապես՝ «ARMEPS» համակարգի կողմից Մասնակցին ուղարկված հայտի փաթեթի ներբեռնման մասին ավտոմատ ծանուցմամբ, Մասնակցի համակարգչում համակարգի կողմից ավտոմատ ստեղծված «Folder»-ով, որը պարունակում է էլեկտրոնային ստորագրության միջոցով հաստատված փաստաթղթերի ամբողջական փաթեթը, «ARMEPS.AM» կայքում առկա «Ներկայացված հայտների ցուցակը» րաժնի քաղվածքով, որից հստակ երևում է, որ փաթեթը բարեհաջող բեռնվել է համակարգ և համապատասխանում է ներկայացվող պահանջներին և Մասնակցի 18.02.2022թ. ՀՀ ֆինանսների նախարարությանն ուղարկված գրությանն ի պատասխան ստացված պարզաբանմամբ, որի համաձայն թիվ ԵԲ-ՀԲՄԱՊՁԲ-22/1 ծածկագրով ընթացակարգին Մասնակցի ներկայացված հայտի փաթեթը բեռնվել է համակարգ և առկա է համակարգում (կցվում է): Պետք է նշենք նաև, որ

այլ կազմակերպությունների կողմից այլ մրցույթներով փաթեթների բեռնման ժամանակ սխալ փաստաթղթեր կցվելուց համակարգը թույլ չի տվել դրանք ներբեռնել համակարգ և ուղարկել է այդ մասին ծանուցում, ինչը նույնպես հաստատում է այն փաստը, որ խնդիրն առաջացել է Մասնակցի գործողություններից անկախ:

Անհայտ պատճառներով Հանձնաժողովի 21.02.2022թ. նիստի թիվ 4 արձանագրության 1.5. կետով նշվել է, որ «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ի մասով որևէ փաստաթուղթ կցված չէ:

Հարկ ենք համարում նշել նաև, որ «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ի կողմից 9-րդ և 45-րդ չափաբաժինների համար առաջարկվել էր ամենացածր գինը և վերջինս էլ պետք է ճանաչվի հաղթող: Հատկանշական է նաև, որ քանի որ «Հաղթող 1» ՍՊԸ-ի հայտը պետք է մերժվի գնառաջարկի սխալ հաշվարկի պատճառով, «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ն ի թիվս 9-րդ և 45-րդ չափաբաժինների պետք է հաղթող ճանաչվի նաև 10-րդ չափաբաժնում:

Նման պայմաններում կարող է ստեղծվել մի իրավիճակ, երբ Պատվիրատուն պայմանագիր կնքի անհամեմատ բարձր գին առաջարկած մասնակցի հետ և արդյունքում կրի վնասներ:

Ասվածից հետևում է, որ համակարգում տեղի ունեցած տեխնիկական խնդիրների պատճառով, որոնք առաջացել են անկախ Մասնակցի գործողություններից, վերջինս գրկվել է իր մասնակցության իրավունքի իրացման հնարավորությունից և արդյունքում, սույն հարցը Մասնակցի օգտին չլուծվելու դեպքում ինչպես Մասնակցին, այնպես էլ Պատվիրատուն կկրեն վնասներ:

Ամփոփելով վերոգրյալը, պետք է փաստենք, որ ստեղծված իրավիճակում անհիմն խախտվում և սահմանափակվում է «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ի «Գնումների մասին» ՀՀ օրենքի 7-րդ հոդվածի 1-ին մասով երաշխավորված մասնակցության իրավունքը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածով՝

Խ Ն Դ Ր ՈՒ Մ Ե Ն Ք

1. Պարտավորեցնել Հանձնաժողովին չեղյալ հայտարարել 9-րդ, 10-րդ և 45-րդ չափաբաժինների մասով մրցույթը, կամ

2. Պարտավորեցնել Հանձնաժողովին ընդունված համարել «ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ի կողմից թիվ ԵՔ-ՀԲՄԱՊՁԲ-22/1 գնման ընթացակարգի շրջանակներում ներկայացված փաստաթղթերը և գնահատել ներկայացված հայտը:

Կից ներկայացվում են.

1. ՀՀ ֆինանսների նախարարության գնումների քաղաքականության վարչության պատասխանը,
2. Armeeps.am կայքից տպված քաղվածքները, որոնցով ապացուցվում է փաստաթղթերի պատշաճ բեռնումը,
3. Armeeps.am կայքից տպված քաղվածքը, որով հաստատվում է փաթեթների բեռնման ժամանակ սխալ փաստաթղթեր կցվելուց համակարգի կողմից փաթեթի չընդունման և այդ մասին ծանուցում ուղարկելու փաստերը,
4. «ARMEPS» համակարգի կողմից հայտի փաթեթի ներբեռնման մասին ավտոմատ ծանուցման քաղվածքը.

5. 24.02.2022թ. Լիանա Բրսոյանի կողմից ՀՀ ֆինանսների նախարարություն ներկայացված թիվ ԼԲ-24/02-1771/22 հարցման պատճենը,

6. բողոքարկման վճարը կատարած լինելը հիմնավորող փաստաթղթի պատճենը,
7. Լիանա Բրսոյանի անձնագրի և փաստաբանական գործունեության թիվ 1771 արտոնագրի պատճենները,
8. լիազորագրի քննարկումը¹

«ՍԵՎԱՆԻ ՀԱՑԻ ԳՈՐԾԱՐԱՆ» ՓԲԸ-ի ներկայացուցիչ



Լիանա Բրսոյան

¹ Հաշվի առնելով այն հանգամանքը, որ ՀՀ ֆինանսների նախարարությունը մինչ օրս չի պատասխանել Լիանա Բրսոյանի 24.02.2022թ. ուղարկված հարցմանը, տեղեկացնում ենք Ձեզ, որ հետագայում պատասխանը ստանալուց հետո, կարող է լրացուցիչ փաստաթղթերի ներկայացման անհրաժեշտություն առաջանալ: